



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 110. Imperator in Anglorum exercitu voluntariam militiam professus.

[urn:nbn:de:hbz:466:1-66433](#)

§. CX.

Sæcul. XVI.
A.C. 1513.

Imperator in Anglorum exercitu voluntariam militiam professus.

Die nona Augusti Cæsar Caletum advenit, octo equitum millibus, necnon numeroſo Helvetiorum agmine stipatus, deīnum cum Henrico Rege Ariam inter & Teruanam colloquium habuit, tertio autem post die ad castra profectus est, sub Anglorum signis voluntariam militiam professus, Germanis minime obluctantibus, quod totius Germani corporis Caput sub Insulano Rege militis gregarii officio fungeretur, atque Angliae Rex non modo Cæsarem ad tam indignum obsequium (*) induceret, sed etiam ad

(*) Hæc perperam in Cæsareæ dignitatis ignominiam a Belcario confita esse, ceterorum audiorum silentio comprobatur, quæ si forte circumforaneus nunciorum propola in suis pageilis scripsisset, certe censoria virga perstrissa, ac subducia fuissent. Rem longe aliter narrat Palatius, dum in vita Maximiliani Cæsar is fol. 248 hæc scribit: Henricus VIII. Teruanam urbem obsidione cingit, ad quam Cæsar cum pulcherrimo equitatu profectus, suo nutu &

Sæcul. XVI. ad conscribendos Germanos milites no-
A.C. 1513. minaret Commissarios, qui non nisi ab
Henrico dependerent. Idem quoque Rex
sæpius repetito sermone objectabat pe-
cuniarum summam, quam Cæsari eo fi-
ne numerari permisisset, ut integro tri-
mestri necessaria ei suppeditarentur, ac
præcipue singulis diebus centum aurei
in mensæ ipsius sumptum solverentur.

§. CXI.

*Sex armatorum millia ab Helvetiis
Gallorum Regi denegata.*

Totus Anglorum exercitus, additis Cæ-
sareis copiis, facile quinquaginta ar-
matorum millia recensebat. Sub idem
tempus Ludovicus Galliarum Rex Tri-
molium ad Helvetios ablegavit, ut ex
eorum Pagis sex ejusdem nationis millia
conscripti peteret, facta pollicitatione, eos
extra regni fines nunquam in aciem edu-
cendos fore. Ergo Trimollius Lucernam,
ubi Helvetii sua agebant comitia, con-
tendit, omnesque eloquentiæ suæ fon-
tes exhausit, ut hanc nationem ad sup-
peditandas hasce militum suppetias in-
duceret,

imperio bellum administrabat, quod heili sciens,
& locorum gnarus esset. Quæ autem caussa
ad tam indignam calumniam bilem moverit,
patet ex §. CXIV.